



REPUBLIKA E SHQIPËRISË  
MINISTRIA E MIRËQENIES  
SOCIALE DHE RINISË  
MINISTRI

**UDHËZIM**

Nr. 14, datë 10.5.2016

**PËR  
OFRIMIN E SHËRBIMIT TË EMERGJENCËS NË INSTITUCIONET E  
PËRKUJDESIT SHOQËROR TË FINANCUARA NGA FONDET E BUXHETIT TË  
SHTETIT PUBLIK QË OFROJNË SHËRBIME TË PËRKUJDESIT REZIDENCIALE  
PËR FËMIJËT NË NEVOJË**

Mbështetur në pikën 4 të nenit 102 të Kushtetutës së Republikës së Shqipërisë, pikën 5 të nenit 9 të ligjit nr.9355, datë 10.3.2005 "Për ndihmën dhe shërbimet shoqërore" (të ndryshuar), në nenin 39 të ligjit nr.10347, datë 04.11.2010 "Për Mbrojtjen e të Drejtave të fëmijëve", VKM nr.265, datë 12.04.2012 "Për krijimin dhe Funksonimin e Mekanizmit të Bashkërendimit të Punës ndërmjet Autoriteteve Shtetërore Përgjegjëse për Referimin e Rasteve të Fëmijëve në Rrezik, si dhe mënyrën e procedimit të tij" dhe në zbatim të vendimit të Këshillit të Ministrave nr.425 datë 27.06.2012 "Për përcaktimin e kriterëve dhe të dokumentacionit të nevojshëm për pranimin në institucionet rezidenciale publike dhe private të përkujdesit shoqëror", të ndryshuar,

**UDHËZOJ:**

1. Institucionet e Përkujdesit Social Rezidencial Publike të financuara nga fondet e buxhetit të shtetit ofrojnë shërbimin e emergjencës për një periudhë kohore prej 72 orësh për fëmijët e identifikuar që kanë në nevojë për mbrojtje të menjëhershme.
2. Drejtuesit e institucioneve të përkujdesit social rezidencial për fëmijë marrin masa për garantimin e burimeve të nevojshme materiale dhe njerëzore për ofrimin e këtij shërbimi sipas pikës 1 të këtij Udhëzimi.
3. Për shërbimin e emergjencës, institucioni ofron në mënyrë të menjëhershme strehim, ushqim, kujdes shëndetësor dhe mbrojtje ligjore. Institucioni i përkujdesit Social, krijon kushtet e nevojshme për garantimin e plotësimit të nevojave baze të fëmijëve të cilëve u jepet shërbimi i emergjencës ku përfshihen:
  - a. Akomodim
  - b. Ushqim
  - c. Një person përgjegjës gjithmonë i pranishëm në institucion që do të jetë përgjegjës për ofrimin e shërbimit.

4. Fëmijët e identifikuar, referohen në institucion nga Njësitë për Mbrojtjen e Fëmijëve, strukturat e policisë, Shërbimi Social Shtetëror/Rajonal.
5. Fëmijë që kanë nevojë për mbrojtje të menjëhershme, është fëmija i cili nëse lihet në rrethanat aktuale, pa asnjë ndërhyrje mbrojtëse, mund të vdesë të dëmtohet ose të plagoset rëndë, apo të jenë pre e keqtrajtimit të konsideruara vepër penale sipas legjislacionit në fuqi.. Fëmijë që kanë nevojë për mbrojtje të menjëhershme, të cilëve u ofrohet shërbimi i emergjencës në institucion përfshijnë:
  - a. Fëmijë të gjendur vetëm, të pashoqëruar në situatë rruge
  - b. Fëmijë të neglizhuar, që jetojnë në rrethana që vendosin në rrezik jetën dhe shëndetin e fëmijës
  - c. Fëmijë të abuzuar seksualisht nga personat në gjini apo kujdestari.
  - d. Fëmijë të trafikuar dhe shfrytëzuar seksualisht
6. Fëmijët vendosen në Institucionin e përkujdesit shoqëror publik që ofron shërbime sociale për fëmijët, që ndodhet pranë vendbanimit /vendqëndrimit me të afërt me fëmijën.
7. Dokumentacioni për vendosjen e fëmijës në institucion realizohet sipas proces-verbalit bashkangjitur këtij Udhëzimi.
8. Institucionet e Përkujdesit Social publik, brenda 48 orësh, bashkërendojnë punën me Njësinë e Mbrojtjes së Fëmijëve për hartimin e planit individual të fëmijës për rastin emergjent sipas VKM nr.265, datë 12.04.2012 “Për krijimin dhe Funksonimin e Mekanizmit të Bashkërendimit të Punës ndërmjet Autoriteteve Shtetërore Përgjegjëse për Referimin e Rasteve të Fëmijëve në Rrezik, si dhe mënyrën e procedimit të tij ” për ofrimin e shërbimeve të mëposhtme:
  - a. Shërbimi mjekësor
  - b. shërbimi psikologjik
  - c. mbështetje ligjore
9. Brenda 24 orëve nga vendosja e fëmijës në institucionet e përkujdesit social publik njoftohet Drejtoria e Përgjithshme e Shërbimit Social Shtetëror për cdo rast.
10. Ngarkohen për zbatimin e këtij udhëzimi Drejtoria e Përgjithshme e Shërbimit Social Shtetëror, Drejtoritë Rajonale të Shërbimit Social Shtetëror, institucionet e përkujdesit shoqëror rezidencial publik të financuara nga fondet e Buxhetit të Shtetit, dhe Njësitë e Qeverisjes Vendore.

Ky Udhëzim hyn në fuqi me botimin në Fletoren Zyrtare.

**MINISTRI**

**BLENDI KLOSI**

## PROCES - VERBAL

Në \_\_\_\_\_, më datë \_\_\_/\_\_\_/\_\_\_, unë \_\_\_\_\_, me detyrë \_\_\_\_\_, kryej referimin dhe dorëzimin e fëmijës Emer/Mbiemër \_\_\_\_\_, I datëlindjes \_\_.\_\_.\_\_, lindur në \_\_\_\_\_, dhe banues në \_\_\_\_\_ i pajisur me dokument identifikimi \_\_\_\_\_ (nëse ka) në shërbimin e emergjencës pranë institucionit të përkujdesit shoqëror \_\_\_\_\_.

Referimi dhe dorëzimi i fëmijës së sipërpërmendur, në shërbimin e emrgjencës \_\_\_\_\_, adresa \_\_\_\_\_, e cila ofron shërbime emergjence dhe rezidenciale për këtë kategori fëmijësh kryesisht për arsye se;

- Nga verifikimet e deritanishme nuk është bërë e mundur gjetja, identifikimi dhe /ose konstatimi I prindërve/kujdestarëve ligjorë të fëmijës,
- Nga verifikimet e deritanishme rezulton se, prindërit /kujdestarët ligjorë të fëmijës banojnë në një rreth të largët dhe mbërritja e tyre apo strukturave policore të cilat do të kryejnë transferimin e fëmijës kërkon një kohë të konsiderueshme.
- Dyshohet se fëmija është i neglizhuar, dhe jeton në rrethana që vendosin në rrezik jetën dhe shëndetin e fëmijës
- Dyshohet se fëmijët janë të abuzuar seksualisht nga personat në gjini apo kujdestari.
- Dyshohet se fëmijë është trafikuar dhe shfrytëzuar seksualisht.

**Referuesi/ Dorëzuesi**

\_\_\_\_\_

(Pozicioni i punës & Emër Mbiemër)

**Marrësi në Dorëzim**

\_\_\_\_\_

(Pozicioni i punës & Emër Mbiemër)